

# 平溪衛志書

## 平溪衛志書複製說明

平溪衛志書，不分卷，修於清康熙二十二年（公元一六七四）年，衛人鄭逢元纂，未刊。此平溪圖書館方志目錄謂：本書書名係按序文首句所題。現據上海圖書館藏鈔本并參照中國科學院南京地理研究所藏鈔本復制。另據乾隆《玉屏縣志》鈔本及民國《玉屏縣志》鉛印本對有關門類的錯字進行了改正。凡校改之字均列入書末『校字表』中，以備參攷。

承上海圖書館及中國科學院南京地理研究所借給藏本，謹此致謝。

平溪衛誌書目錄

鄭序

三

舊志序

七

建置

九

輿圖

十

星野

十一

形勝

十一

山川

十一

津梁

十二

平溪衛誌書

一

土產

十三

風俗

十三

田賦

十三

人丁

十五

驛遞

十五

役夫

二十

舖司

二十一

設官

二十一

駐防

二十二

祭祀

二十三

學校

二十三

科目

二十五

明經

二十八

人物

三十

忠臣

三十一

孝子

三十一

孝女

三十一

節烈

三十一

鄉賢

三十二

鄉望

三十二

平漢衛誌書

五

名宦

三十三

寄寓

三十三

謫戍

三十三

仙釋

三十四

災異

三十四

名勝

三十五

藝文志

三十七

詩

四十七

平溪衛誌書前創於先正首云吾里自建衛來地靈人傑戶誦家絃書香噴星斗之輝劍氣吐虹霓之色全帙不能記憶即四語以可覘盛時大概至天啟年間豫章壇石熊公以江南巡撫謫戍平溪建鴻雪草堂吟詩作賦間與子衿遊玩山水謂此間形勢雄拔奇秀雖面前水淺有潺湲聲下則澄淨如武人釋甲宵雍雍於禮樂之堂鬱環凝碧妙若畫圖愈以知風俗之醇而賢人君子之多也可無誌乎集衆謀之余時為諸生遂巡侍坐乃云誌地方者以人才為主如

平溪衛誌書

三

前之巡撫侯位御史唐一騶起家進士候則保江而名高南省唐則執簡而望重西臺舉人燕相召累官憲副有直臣廉吏之名均有光於史冊舉人鄭維滄工於賦詩有中晚之目蘆營乘多出其手藝文一節亦以昭文明之盛人謂劉尚父子作藝文誌為誌之始非也六經非志乎易志天人書志政事詩志風俗禮志儀則樂志大和春秋志列國以為典矣寶麗而文觀易奇而法詩正而葩可知矣平溪一衛分耳論科目二三常有之四五間有之甲子五名皆詩經余接其人雅志翩翩若萬君年策襟期曠達典故精通

可卜異日立朝事業撐持衛事武職之功居多指揮  
鄭恂洪福鄭嗣賢洪官鐵礪萬里鵬許邦帥張四維  
袁翰高冠於有光萬年祚李逢陽等調濟衝繁能聲  
遠播大有功於地方文武併美皆扶輿淑氣所鍾毓  
也論人材則行誼繫之此中仕宦多兩袖清風不以  
姑臧自潤囊篋蕭然者比比皆是亦可以風有位者  
子則汪浩何思鄭嗣廉三人皆割股救親汪何有奉  
旨旌表之坊鄭欠闡揚之舉節婦則鄭門劉氏張門洪  
氏又劉門鄭氏皆少年守節歷艱苦於九十餘歲劉  
旌表有介石清操之額洪旌表有慈節壽考及節有

平溪衛誌書

四

義方之名鄭無一字之褒若此者有幸有不幸耳海  
內名賢淹沒而不彰者可勝道哉景泰時建大功以  
垂不朽無如指揮鄭泰建得勝樓御史余翱撰碑謂  
擊滅逆苗救全一衛生靈且聞苗未竊發之時有童  
謡云蒙陰陰來我城誰其擊者伯和兵伯和即鄭泰  
之字事亦奇矣若景之奇妙有萬卷書石蓮峯浮沙  
洲三者在一處次第而見石蓮聳於山頂彷彿蓮瓣  
併峙一峯銳擬兜鍪整在水口上若砥柱焉浮沙洲拱  
起驛江之中面砂內空善水者知之砂非塊石也而  
水流不去空亦不陷奇矣大比有中武者則洲長而

有角里人以此卜科第之有無多寡其萬卷書純石無土半在江心似牙籤玉軸層層明白綿亘百餘丈高十丈帆檣上下靡不飽看西南有飛鳳山似鳥鼓翅前一後一前大後小如引如從山頂建刹士子讀書其上多有發者平溪之景不止四處而四者最聞每景之下名賢有詩甚佳今不可得欲強為補綴未必如昔人之賦瀟湘者熊之謙言若此商榷之後續舊志之殘缺辨亥豕而訂之兩月告成真實佳麗一方之幸也崇禎末年變世城中荒草青磷熊志亦絕茲以衛公奉進志之

平溪衛誌書

五

命屬載筆焉拳拳無已未敢以老成凋謝為推世無龍門涑水豈遂無史乎乃揀後學之有筆性或諧於前事者列其款目給之筆札余老人董其成焉且囑之曰綺語傷繁質言傳信聞見欲其確也各駢枝其說剪彩為花無為貴志矣由前言之述壇石公之言數衍大概至於此後人文不乏總無濟於勝國何堪編入

鴻章分別去取是又在夫操觚者雖然亦又有說焉志者紀成事也已成者可紀未成者將無所需乎如城池有復隍之厄田糧欠清楚之舉夫馬無畫一之

規后猶茅茨民尚凋殘前之蒞茲土者當草創之時  
因陋就簡是以膝裏之病有待越人今幸山左王公  
薛士梓以世胄之賢展幹旋之手留心民瘼可免廢  
弛之憂但無米之炊巧婦難之或者易之屯卦大象  
曰雲雷屯君子以經綸盤根錯節豈異人任哉端有  
望於新硎匪淺也是為序

時

康熙十二年癸丑歲孟秋月念二日里人鄭逢元題

平之先古雄溪也事文類聚山堂考索諸集載沅州路自秦昭王伐楚取楚蠻彝地置黔中郡隋為峽州唐為法州巫州宋始改沅州而五溪隸焉雄五溪之一也漢史記武陵蠻叛伏波佩征蠻將軍印越二酋渡五溪而雄始見圖籍今城北遺跡有存者土人稱馬王而不名夫其山峒峻絕林木蒼鬱初為蠻王服習無疑乃騷經屈平浮湘而南遵淑浦導沅澨歌澧蘭沅芷而平溪實在沅之平便近都迨伏波慨毒淫於山川太白寄愁心於明月杜甫惜雲山之共李臯

平溪衛誌書

七

標石柱之銘雖蠻彝王長之時而忠臣達士才人墨客已有經歷其地咏歌其事者矣歷宋至元皆未有據惟衛治西南多曠地居民耕種間得址墓有碑勒夫人者有衣冠類貴倨者豈其時亦文武將吏置守其間如父老所傳平故附盧陽縣歟然而銘籍無鐫則文獻不足可知也盧陽即古麻陽一統志平溪在麻陽境內明興洪武二十二年調諸萬戶於五方附五所千百戶於郭內銓流職以叅軍政籍六郡良家子五千六百有奇以寶防守據辰沅之上游當滇黔之孔道面山背水創百雉雄圖刀耕火種仍夜郎故



習以銅鎮為北蔽頗無厝薪之憂連清鎮為西鄰實  
借輔車之力舞溪東注食貨日蕃彝種南蟠獠捍幾  
半屯田繡錯於思銅沅麻之鄉軍餉仰給於夙瀘淑  
黔之賦風俗慝樸未雕人情華實相濟世皇中興乎  
始有學兩歲貢一士雖在遐陬而鎖鑰之寄禮樂之  
修較若雄矣

譙樓匾額

面東 上層 控制 下層 黔楚襟喉

面西 上層 寧塞 下層 一方觀望

面南 上層 靖遠 下層 四鎮屏藩

面北 上層 綏柔 下層 貴滇衝要

唐老先生四牌坊匾額

東 父子御史 秦浙紀綱

南 天朝耳目 皇都得意

西 三代天巡 節制七藩

北 皇華天使 一鷄橫秋

平溪衛誌書

九

建置

衛治古雄溪地也隸楚邊徼漢伏波畧地五溪後暨宋元無有問津者明時開滇南初設站堡至洪武二十三年指揮許昇領軍來茲始建衛焉設立官軍以資防禦屬辰州府官俸軍餉取給於湖廣衛永等府其官軍二籍多江南人世守茲土焉衛有城計九里十三步城五門樓五座別置水竇七衛署分司學宮倉廩皆有定地至永樂年間創制譙樓督建者掌印指揮鄭珣洪福樓三層累木工緻結構宏敞父老相傳魯班所造焉景泰中石梗苗蒙倫犯城勾苗數萬

餘圍城七匝衛指揮鄭泰素有才名率眾登陴計給渠魁殲苗眾於敗賊冲增建得勝樓一座以紀功焉日久承平家絃戶誦縉紳士夫尚氣節而恥媿陋兼之水陸交通商賈鱗次四方之物必至咸謂之小江南云明末丁亥總鎮張先璧潰兵突至恣意蹂躪焚掠無遺兵燹連年荒城衰草春燕巢林道殣相望一古戰場也昔張三豐遺記有云百年以後無平溪言其驗歟

國朝定鼎衛設守備招集流亡填實孔道編官軍為屯民今城中土著寥寥數家關廟僑寓之客商僅百十

### 平溪衛誌書

十

餘戶而已譬之病疴羸者元氣久傷必須調補之劑加意撫綏是有望於守茲土者

### 輿圖

考古職方氏掌地圖冬官統績畫區宇固所由來也志必有圖以紀疆域之遠近風氣之蘊隆蓋撰述所不能悉者必借藻繪以明之平溪僻處楚邊提封僅百餘里歷元會幾億萬年聲教覃敷一旦譽髦蒸起生聚繁殷不謂非鳳岫文江之所孕靈也寧無當於大司徒周知之數乎矧舊乘燬失稽攷無憑不得不據實以圖



按平溪山脉發源於靖州之天柱曲折四百餘里峯巒擁簇圍阜蛇蜒特聳南山下結衛治右學宮左衛署玉屏障於北文水襟於東南撫七星側峙萬卷飛雲疊石點綴地靈

星野

禹貢荆梁南界天文翼軫分野或曰地近辰沅屬參井之交

按衛疆域當衝劇其界東抵沅州之晃州驛六十里南抵天柱縣一百七十里西抵清浪衛六十里北抵思州府四十里

平溪衛誌書

十一

形勝

衛西有山一名獅子一名象鼻對峙如門一路中通崎嶇扼塞實為險阻楚黔必經之區

山川

飛鳳山城西十里翠障連雲森聳若翼衛人多讀書其上

七星山城南一里層巒疊翠宛如七星

玉屏峯城北隔江一里高峯壁立其狀如屏疊石穿

江學宮後脉

萬卷巖城東一里壘石如帙高數丈餘頂建東山觀

騷人韻士遊賞其上曾顏額曰萬卷樓臺

石蓮峯城北三里帶山襟水舊傳異人修煉於此  
天馬山城東一里勢若奔騰橫居水口

掛榜巖城東五里石壁平列宛如掛榜

銅鼓巖城東五里上有洞遊人以石擊之鏗然有聲  
兔兒坪城內北角上有鄭氏書院衛人劉芳久鄭逢  
元鄭君錫等讀書其中丁卯歲坪產九芝是科芳久  
發解嗣後癸酉逢元丙子章闇然鄭君錫乙卯洪恩  
榮張佐辰壬午洪運昌劉芳早乙酉鄭民安聯號九  
人實應九芝之秀而明科目遂止焉前壇石熊先生

### 平漢衛誌書

十二

有詩二絕見後藝文

### 津梁

平江城北半里源自偏橋諸葛洞流經清鎮遠平城  
七摺始達沅江

野鷄河城西二里源自清水江流入衛界五里合於  
大江黔楚通津春夏水泛波濤洶湧行旅病涉今新  
建石橋七洞名曰天星橋亦勝觀焉

文水塘城東一里俗名館驛塘即萬卷書巖下中浮  
二洲漁人恒網集其下

鮎魚塘城東二十里石形懸洞酷類鮎魚

館驛渡驛前一渡造舡工價渡子口糧俱辦思州  
文水橋即浮洲處張三豐記云洲長則科第盛屢試  
果驗

通河橋城北泊舟集貨歷稱小江南

天星橋新建左搭獅子嶺右接象鼻山一字橫牽宛  
如虹卧楚黔咽喉

渡賓橋城東橋頭即演武場衛官操練兵經過

土產

蕨粉時歲荒歉賴以救饑蝦魚脊肥唇厚味美如鱸

風俗

平溪衛誌書

宋元以前土彛雜處自明開設語言服習大類中州  
俗尚淳厚民恥健訟有太古之遺意焉

田賦

平溪衛治東南則沅州錯壤西北皆黔郡地界環屬  
思沅僅處一隅編戶三屯俱皆寫遠麻屯距衛五百  
餘里沅屯離衛一百六七十里附近平屯山崗磽确  
各屯地方原係有司撥出瘠薄不堪然軍田一石不  
足民田一斗墳臺基址悉在其內兵火之餘鞠為茂  
草間有開種十不獲一輸納條銀猶且莫支更奉改  
徵米穀以充黔驛夫糧馬料其間價值之增貴搬運

之艱難實有倍於額徵之條銀子遺疲困莫可控也  
一原額衛堡屯田一百九十八頃一十八畝六分一  
毫七忽每畝科糧一斗四升二合八勺五抄七撮一  
圭四粒三粟共科糧二千八百二十九石九斗四升  
三合一勺一抄

原額衛堡屯地六十三頃七十五畝四分三厘八  
毫二絲三忽每畝科糧一斗四升二合八勺五抄七  
撮一圭四粒三粟共科糧九百一十石七斗七升六  
合八勺九抄

以上原額田地共二百六十一頃九十四畝三厘九

平漢衛詒書

十四

毫三絲共科額糧三千七百四十石七斗二升於順  
治十六年內奉

偏沅巡撫袁 憲牌仰衛將軍糧照依附近有司民  
糧一例編改內坐落麻陽縣田地糧八百七十七石  
三升一合三勺照依麻陽縣則例每畝科條銀四分  
四厘一毫二絲衛田七畝科糧一石每糧一石科條  
銀三錢八厘八毫七絲內坐落沅州屯併附近平屯  
田地糧共二千八百六十三石六斗八升八合七勺

照依沅州民糧則例每畝科條銀五分五厘衛田七  
畝科糧一石每糧一石科條銀三錢八分五厘共該



額條銀一千三百七十三兩四錢八厘八毫七忽一  
微三塵一纖自置兵火人絕田荒招來開墾十無一  
二奉文每熟糧一石改徵米一石以充黔驛夫馬支  
用原額田地編載俱照由單全書一字無訛查入  
人丁  
原額操丁二百二十丁每丁年納丁銀五錢共該丁  
銀一百一十兩明時在衛支銷今奉文改徵米九十  
石穀九十五石以充黔驛夫馬支用而  
聖宮之祭祀學校之備用故為缺典

驛遞

平溪衛詒書

十五

平溪隸屬楚轄舊設官軍以資捍禦與驛遞原無與  
焉明永樂年間貴州思州府設驛於衛城之東關謂  
其路當孔道便於應答部選驛官一員管理馬政隸  
屬思州府專治驛馬則思州府額馬頭陳思舜等十  
一名額馬十一匹張元貞名下驢一頭石阡府苗民  
司額馬頭楊秀金楊秀蒲彭天保田保民四名額馬  
四匹驢一頭鎮遠府邛水司額馬頭楊光耀等六名  
額馬六匹麻陽縣額協濟小供馬頭蒲天朝滕秉珍  
田養維等四名額小供馬四匹歷來各府馬頭下驛  
承當此設驛舊制也又思南石阡銅仁三府額該鎮

遼府驛馬至明萬曆三十年鎮遼府條陳將鎮遼府額該平溪驛之馬割歸鎮遼驛將思南蠻彝司額該鎮遼府馬價銀三百六十九兩石阡府石阡司額該鎮遼府馬價銀一百一十五兩六錢銅仁府額該鎮遼府馬價銀八十兩撥補思州府平溪驛各府僉立土民領銀買馬下驛親當名曰改抵此改抵舊制也又驛丞每年支領各府館銀三百六十兩專辦答應往過

上司供應下程油燭柴炭中伙供給等項此驛丞支館舊制也衛城東闢有驛丞衙舍府官行館地基並

### 平溪衛詒書

十六

走馬人役住坐基址見存黔省舊志可攷廣輿記云平溪驛者載思州府記未實古舊額我

大清定鼎開闢疆土一切賦役俱照舊制於順治十六年五月內貴州安設驛站奉

院道發馬五十匹仰思州府推官何元紀領馬二十五匹分槽喂養朋應官員繼時黔省初闢府治僻隅不過權宜協理之術既後何推官奉取入闡詳委驛丞朱士俊在衛料理士俊條思郡里民畏難逃回驛馬盡卸於衛於康熙元年十月二十八日奉

巡撫偏沅都察院周 憲牌為申嚴郵政無悞軍機  
事准

貴州巡撫都察院羅 咨准本院咨據辰沅道詳據  
平溪衛奉本道牌奉本院憲牌行據該衛回詳驛馬  
一項額係貴州思州石阡鎮遠三府民差平溪衛遠  
疲衛糧少民稀難以夫馬兩累懇循舊制詳咨黔院  
黔馬歸黔楚夫歸楚各有責成緣由咨移過院牌行  
驛傳道會同思石道速查舊制妥確回報去後今據  
驛傳道詳移准思石道關准本道移奉本院牌同前  
事到道即行各府確查回詳到道該本道勘得平溪  
平溪衛誌書

十七

夫馬衛屬楚轄驛屬黔轄夫屬楚馬屬黔此歷來舊  
制百姓稔悉知之自

大清定鼎之初夫役逃亡官馬倒盡大兵往來差使絡  
繹百倍於昔衛有官而驛無官 部選驛官應日隆  
久未到任以致夫馬咸屬衛官管理或用馬多而馬  
不足則以夫代或用夫多而夫不足則以馬代此衛  
官兼管夫馬之由也值今滇黔底定人兵陸續凱旋  
此後所用夫馬較前稍可節省該衛詳請欲以楚夫  
歸楚黔馬歸黔均平差遣蘇息困累循查昔時舊制  
非無據妄陳但楚夫歸楚在楚省自有條陳無庸贅

議獨是黔馬歸黔之議查詢舊例驛馬專責驛丞管理驛官改成在於思州府官評冊內各府馬館解費道衙門轉給驛官支領購買馬匹喂養草料馬夫工食俱在馬館銀內開銷至各府額設平溪驛馬館銀若干馬匹若干細詢士庶俱云載在貴州賦役全書見有舊本在藩司衙門可攷而知然此議一行衛驛盡皆更張一時區畫稍有未周恐不足以應急而反致於誤公本道膚見莫若照目前申飭遵行俟大兵盡旋之後兩省上臺從容商榷漸復舊規庶舉事不驟而行之有效也事關兩省驛遞重務未敢輕率謬

平溪衛誌書

十八

議移煩裁奪等因到道該本道看得平溪驛走馬舊例原屬於黔惟楚之麻陽縣協濟平驛買馬銀百十兩而已我

大清開闢黔省順治十六年安設驛遞之時即奉官養官當之

旨蒙前院趙 行令平溪衛官王伯元思州府推官何元紀喂養驛馬答應差員所以遵

功令也後元紀辭回伯元獨立支用三年竭蹶委苦故有黔馬歸黔楚夫歸楚之請耳今准移復事關兩省驛遞重務未敢輕率謬議前來本道前見邸報黔中

驛馬已荷

部覆 題允仍令土人走馬 部文計日可到合無  
行令平溪衛照舊暫且承應俟 部文至日又照黔  
馬歸黔楚夫歸楚舊例舉行可也等因回詳到院備  
咨過院行道仰衛暫照成例舉行俟 部文至日另  
行知照奉此康熙二年三月內奉

貴州思仁道黃 牌為急催起站免稽軍務事准驛  
傳道移奉

督部院批據思仁道詳據思州府詳前事緣由奉批  
仰驛傳道確查通詳報等因到道該本道查看得每

平溪衛詭書

十九

驛馬五十匹用夫二十五名奉

前院趙 於設驛之時令於當日走馬馬戶招募足  
數承役

思州府舊例原額平溪驛半驛馬而馬夫一半亦應  
出之思州府官招募其所稱買馬乃節奉

前任<sup>撫</sup>兩院批定各府分購此開黔以來舊有之例  
不獨思州一府為然况該府舊例原當平溪半驛因

其僻遠故令衛代府差則衛勞而府逸矣又買馬亦  
只是府應府差併非府代衛差猶以賠累為詞總欲  
獨貽勞苦於該衛而托故偷安以自便也茲奉憲批

理台詳復奉

兩院會批公議即移明思仁道轉飭該府衛各照遵  
例行繳奉此移道行衛在案至平溪衛滇黔通衢承  
應楚夫楚役扛抬餉鞘軍裝押解逃人重犯支持繁  
政非無所事事也今楚官當楚夫又代黔郡走馬則  
逸者誠逸勞者甚勞地遠位卑不能籲訴至云各驛  
馬匹奉

旨責令官養官當以此紳衿百姓退避不敢一言代思  
官養官當之

旨天地之公日月之明正在是矣此亦不累小民之德

平溪衛誌書

二十一

意未嘗不分別地方也如楚之夫馬楚官養之當之  
正所以遵奉

嚴綸豈以黔之馬不必責之黔官而專累楚官耶且  
昔時之原額今日之憲文炳若日星迄今十有餘年  
驛官不至舊額未蒙查復各府高下其手任意支吾  
馬歸民走事無着落貽害實非渺小姑倒民逃必至  
之勢也謹誌始末以俟調劑

役夫

附誌自康熙二十二年黔撫有劃清地界之疏馬政  
割歸湖廣黔人永卸走馬之責一切夫馬驛費俱於

湖南驛道支領官民無累矣

舖司

平溪軍衛衙門原無舖役古制自在城舖起至沅州止係沅州安設舖役口糧沅州支給自丙溪舖起至清浪止係貴州思州府安設見今承役

設官

官不惟其人惟其賢賢者地方所禱祀而求也大凡治僻靜易治衝疲難治衝疲之有額例易治衝疲之無頭緒尤難今之平溪其最苦也田土荒瘠戶口凋殘諸務繁冗官斯土者縱有巧婦難為無米之炊不

平溪衛詒書

立

勝仰屋而嘆非才略素瞻明斷有餘子能勝任而愉快乎衛君之賢洵足志已若師儒之選於以風勵學官為多士觀型亦綦重矣仰楨樸之化者烏能已於紀乎

守備一員年該俸銀二十七兩三錢九分四厘

柴薪銀七十二兩

蔬菜油燭銀八兩

心紅紙札銀八兩

門子二名

快手二名

牢役六名

傘夫二名

馬夫一名

以上共一十三名每年共額工食銀七十八兩

書辦三名工食奉裁

城守屯丁四十名每年工食銀一百二十兩

以上於本衛條銀內支給

儒學教授一員每年共俸薪銀三十一兩五錢

二分

平漢衛誌書

三

訓導一員康熙四十三年奉文復設

齋夫二名每年工食銀二十四兩

膳夫二名每年工食銀十三兩三錢三分二厘

厘

門斗二名每年工食銀一十二兩

喂馬草料銀一十二兩

以上儒學官役俸食等銀合於

貴州布政司庫內支領

駐防

有文事者必有武備所以建威銷萌也衛楚邊徼路



止羊腸一線山以南黑苗巢穴江以北紅苗負嵎春  
夏草薈木翳則慮在南秋冬水落石出則慮又在北  
前明設平清守備鎮防南有界牌哨以制黑苗之出  
沒北有卓嶺哨以防紅苗之掠擄明末武備廢弛苗  
蠻犯順民自為守今

國朝改設駐防官兵護送餉鞘逃人不與地方事件時  
當清晏奸宄不生兼之駐防得人未始不可保民固  
圉也

駐防官一員防兵百名俱係 沅州協輪撥更替

### 祭祀

## 平溪衛誌書

二十三

祀典所以禮百神也百神禮休徵至有異舉之莫敢  
或廢衛當兵變凋殘諸事缺典即

文廟春秋二祭額辦錢糧時值初闢未經編入由單向  
係衛官捐資二兩聊以存禮自學校復歸黔省奎文  
每祭頒銀六兩於

貴州藩庫支給外有南郊壇社 軍牙旗纛 西郊  
厲壇春秋二祭辦自本衛此祭之不敢廢者謂其有  
功於民而以死勤事也餘無聞焉

### 學校

學校者人才所自出也雄溪人才蔚起而建學之功

有足誌焉本衛隸屬辰州府科目在楚自衛人侯位  
中湖廣弘治乙卯科舉人正德辛未進士官操江巡  
撫陞兵部侍郎因四衛諸生洞庭覆舟之變具疏題  
請將平清偏驥寄貴州鄉試於湖廣舉人額內撥五  
名入黔時平溪尚未設學也兵部候位與總戎高崗  
鳳兵馬司曹繹都閩洪官袁桂知縣洪位張翹生員  
周授劉佑何勳張麾洪欽李學許仁袁松胡璉袁鑾  
高爵蔡仁張翥歐陽文等赴闕乞恩建學部覆題允  
平溪始有學焉眾人捐資鳩工庀材建

聖宮

啟聖宮

兩廡

戟門

櫺星門

及明倫堂

平溪衛誌書

三

儒學公署崇道告成廟宇輝煌千秋俎豆多士鼓舞  
於詩書勵行檢而厚風教前人之力居多也自康熙  
二十三年忽有改楚之舉至康熙二十八年蒙 撫  
軍田大中丞 題請歸黔子衿稱便紀石頌德焉  
一額廩膳二十名今制每名廩銀五錢餼糧四石給  
自貴州

藩司

糧道

一額增廣二十名

一本衛學校舊附思州府推官提調於康熙元年推

官許虬下車月課生童目擊

聖宮頽毀學舍荒蕪集紳士重修

聖殿明倫堂學署其明倫堂係鄉宦鄭逢元所捐廳宅

增建尊經閣一座時飛鴻甫集寒士鷄衣忽覩文廟

煥然一新而文風因之丕振云於康熙四年奉

旨裁減推官今隸思州府提調

一鄉飲酒禮動支本衛丁銀四兩

一科歲攷試棚廠卷資花紅賞格供應讀書紙筆暨

湖貴兩院觀風賞需共費銀一百一十兩辦自本衛

一本衛額三年兩貢

科目

平溪衛誌書

五

侯位

弘治乙卯科舉人正德辛未進士由  
無錫縣知縣行取兵部主事轉員外  
郎中陞授江巡撫兵部左侍郎事詳鄉賢

何騰黃

任北直順天府推官壬子科舉人

萬惟一

建學後中貴州嘉靖壬子科舉人任雲南劍川州和州

鄭維賓

辛酉科舉人任山東平知州事詳鄉賢

高世儒

甲子科舉人任四川西充萬縣事詳鄉賢

燕祖召

萬曆癸酉科舉人任青州蘇州兩府同知署府篆歷官浙江鹽運副使事詳鄉賢

唐一鵬

己卯科舉人癸未進士由行人陞授廣東道御使巡按漕河浙江陝西三處陞太僕寺卿事詳鄉賢

鄭維藩 乙酉科舉人任河南滎陽知縣遇鹿皮道人事詳僊釋

宋道亨 乙酉科舉人署四

劉尚德 戊子科解元官至雲南臨安府同知

袁應斗 戊子科舉人任四川金堂縣知縣四

張植 戊子科舉人任湖廣平江縣知縣

汪廷玉 辛卯科舉人官至雲南臨安府同知

陳王道 辛卯科舉人官至廣東廉州府同知

黃鳳翔 辛卯科舉人官至雲南蒙化府同知

黃朝用 辛卯科舉人未仕

龔漢臣 甲午科舉人任廣東文昌縣知縣

平漢衛誌書

錢產 己酉科舉人未仕

曾鳳彩 壬子科舉人任廣西藤縣知縣

茹世德 乙卯科舉人由順天學錄陞任刑部司務轉主事

單定國 戊午科舉人未仕

洪銘鼎 戊午科舉人未仕

袁雲龍 辛酉科舉人未仕

袁翎 天啟甲子科舉人任來安知縣丁丑流賊逼城云縣官清廉無犯彼邑立

碑記德有賊亦愛清官之語陞壽州牧事詳鄉望

萬年策 甲子科舉人歷官戶部左侍郎

張國柱 甲子科舉人任河南武安縣知縣

夏啟龍

甲子科舉人任雲南武定府同知歷官叅政

劉廷獻

甲子科舉人任雲南武定府同知歷官叅政

劉芳文

丁卯科解州人任山西聞喜河津兩縣知縣陞涿州知州轉兵部車駕司郎

中糧儲道叅政

鄭逢元

崇禎癸酉科舉人歷官禮部左侍郎

章闈然

丙子科舉人任江南海門縣知縣歷官刑科給事中

鄭君錫

丙子科舉人任北直武強縣知縣國朝戶部主事轉江西袁州知府

洪恩榮

己卯科舉人歷官中書舍人

張佐辰

己卯科舉人癸未進士歷官吏部尚書東閣大學士

洪運昌

壬午科舉人歷官兵部主事

平溪衛誌書

二十七

劉芳早

壬午科舉人任貴州思州府推官

鄭民安

己酉科舉人任廣西隆安知縣

萬年亨

甲午科舉人任麻陽縣教諭陞雲南新興州知州

國朝順治庚子科萬鍾禮任貴州數勇衛教授

萬鍾艾

康熙丙午年舉人任貴州鎮寧州學正

洪灝

壬子科舉人任四灝川井研縣知縣

袁祖憲

己酉科舉人

田榕

辛卯科舉人

張自成

辛卯科舉人

吳錦韜

甲午科武舉人

明經

平溪自建學以來凡恩歲選拔不下數百人自兵燹後文獻不足故攷無存不能備載僅將記憶錄之

明

劉尚仁 任北直沙河縣教諭

洪 鉞 弘治時貢未仕

洪世忠 正德時貢任平越府教授

張 翹 任廣西蒼梧縣知縣

田 珍 考品訓導未仕

於 崇 任岳州府教授

平溪衛誌書

三六

章文宗 任湖廣辰州府教授

燕騰霄 任四川重慶府教授子祖召誥封奉直大夫

洪世美 隆慶時選貢任江南桐陵縣教諭

許 桂 任四川內江縣教諭

吳宗臯 未仕

洪 位 任江西星子縣知縣

譚 道 未仕

何天佑 未仕

鄭維翰 未仕

鄭之城 任北直東安縣知縣

單嘉章

任雲南嶧縣知縣

洪名盛

任浙江嶧縣教諭

夏民仰

任四川崇慶州學正

張學聖

任湖廣邵陽縣教諭

唐一魁

任貴州普安州學正

張學正

任江南合陽縣教諭

洪應秋

任長壽伏范兩縣知縣俱有賢聲陞四川成都府同知未任

單之賓

任四川劍州學正事詳鄉賢

何其高

任廣東海豐縣教諭

汪起圖

任四川提舉陞四川北鹽運副使

平漢衛誌書

辛九

鄭維喬

任湖廣寶慶府教授

於觀光

未仕

李煒

任四川德陽縣教諭

燕翼

任貴州都勻府教授

夏民標

拔貢授四川江津知縣未任

李希龍

拔貢任廣東欽州通判

武尚德

任福建福清縣教諭

陳大名

任貴州銅仁府訓導

鄭大釗

考授同知未仕

楊秀

未仕

袁 鈞 任四川安

萬年 繼 歷任兵部職

劉士 珮 歷任兵部職

萬鍾 錫 考授推

張大 志 任銜授

燕盛 周 未仕

袁良 驥 未仕

胡士 芳 未仕

張問 行 任四川真安

國朝

平漢衛誌書

三十

田起 圖 由生員考選

鄭大 璧 治十七年

鐵可 光 元年分

萬鍾 岳 歷三年任貢

田起 虬 康熙八年改補湖廣

又補貴州安

夏承 典 康熙十年

萬鍾 粟 康熙十二年任貴州安順

洪國 禎 康熙十一年

人物



百聖賢著書垂訓惟於忠孝節義廉恥之事三致意焉撐持天地昌明家國舉積此矣馬融補忠經與夫子孝經俱入小學自六藝而外正維論正氣歌劉向列女傳節婦吟諸書炳朗今古竊悼許世子止父疾未嘗葯死哀毀骨立而春秋不恕何凜然也至士君子學古入官遍歌樂只鄉先生物躬範俗廣沛仁恩猶屬士典所需敢以史書不載而略之耶思忠孝節義廉恥之事皆一鄉之望也故志鄉望

忠臣

單之賓

衛人由歲貢任四川劍州學正署州篆時流寇破城整冠殉難詳入鄉賢

平漢衛誌書

孝子

汪浩

衛人割股廬墓孝敬不衰成化時衛詳奉旨建坊旌表

何恩

衛人母病不痊思食鹿脯割股以代母故廬墓三年弘治時衛詳奉旨旌表

孝女

洪氏

衛人洪鏗女年十三歲侍父病三年嘗約嘗糞衣不解帶正德時以孝至

閩奉旨旌表

節烈

張氏

指揮許可妻值可病故年方十九歲守節撫孤承襲壽登八十六歲隆慶

三年奉旨旌表

劉氏 守節六十七年 衛詳兩院匾曰竹石

洪氏 猶輝張其威 妻年十九 值戚病 故撫

遺賜子張四維 撫孤承襲 守節壽登 九十一歲 通詳兩院 匾旌其門 一曰慈節 壽考一曰節有義方

鄉賢

鄭氏 廉生劉良臣 妻年二十一 歲值夫病 故家貧 無子 孀居七十年 未詳旌表

光朝

侯位 任兵部車駕司郎中 時 數抗武宗批鱗廷杖

唐一鵬 任御史時劾李 如松疏載明紀

燕祖召 官青州時討焚權監以 除民害 御賜直臣廉吏

平漢衛誌書

單之賓 詳見 忠臣

鄭維賓 任山東東平知 州奉文入祀

劉尚德 任雲南臨安府 同知奉文入祀

鄉望

高世儒 舉人 兩任縣尹 豐采凜凜 不墮 簞 賁拂袖歸里 家無擔石 澹如也

鄭維禎 乃達元之父也 幼年博學 訓子成名 受誥封三次 公素以使聞 喜施予 茂

已兵亂 收瘞枯骨 置萬人塚 見 存東山之麓 地方猶傳誦之

袁翎 舉人 崇禎壬申年任 來安令 潔已愛 民 丁丑七月 流賊陡至 有寧紅袍者

單騎至城下 大呼請袁爺答話 久知 你是清官 不破你城 搦禎為號 經三

日兵盡撤去 沿城二十里 無擾焉 且 遺難民婦千餘口 嚙向來安城投生

公收活之各放歸里是時江北連城皆陷來安小邑獨全當奉按院梁雲構具疏特薦其畧云循良大著芳聲流寇不攻孤邑彼地紀功碑中有賦亦愛清官之語考最行取

名宦

先朝

許

昇

領軍指揮洪武二十三年

鄭

泰

衛掌印指揮樂苗有功詳見藝文得勝樓碑記

劉

翠

辰州府同知駐衛督糧廉民有聲甘棠遺愛

國朝

經略閣部洪

諱

承疇開黔撫民有功奉文入祀

平漢衛誌書

三十三

巡撫貴州部院趙

諱

廷臣撫黔有功奉文入祀

寄寓

陳應魁

思州府舉人歷官廣西按察司副使

李

淳

思州府舉人歷官浙江處州府知府

劉懷民

思州府舉人歷官雲南曲靖府同知

劉懷宇

思州府舉人歷官雲南臨安府同知

高梁楷

清浪衛舉人歷官雲南廣西府同知

高梁楹

清浪衛舉人歷官雲南驛傳道副使

謫戍

余翺明江南進士四川道御史嘉靖爭禮

謫戍平溪

熊明遇明江西進士歷官操江巡撫忤魏忠賢謫戍平溪重修衛志建鴻雪館著述甚多崇禎登極起大司馬

仙釋

張三豐洪武初建城定五門衛署學宮譙樓向指授遺遺記而去曰余張邈邈也鹿皮翁椎髻藍纒披鹿皮不知何許人有舉人鄭維藩翁詣其門贈言曰培補心田當生好子約期來賀生子日果至

平溪衛誌書

三十四

辭別不知所往後藩生子指揮使鄭逢乾乾子君錫中丙子舉人官順治戶部主事轉江西袁州知府卒如其言

災異

災異天垂象也以人事驗之人事克謹轉禍為福一定之理雄溪災異遠不可考如戊午年之時災疫死過半天啟辛酉之洪水漂蕩城市淹死數百餘人崇禎時之火災延燒殆盡己巳年虎吼南崗入城為患當事者集眾追逐嗣又星飛彗見市井夜驚遂有總

鎮張先壁繼張登貴莫宗文之潰兵掠燬無遺復遭  
闖賊袁宗第壘體紀屠戮高寨殺平溪男婦千餘口  
戊子己丑之間兵荒交困世亂如麻父子兄弟不相  
顧夫婦生離析骸易子殫遍川原言之流涕己亥庚  
子連年大旱斗米千錢黑蟲蔽山草木食盡幸有蕨  
粉充飢人賴以活至今尚無起色

名勝

雲中飛鳳城中去十里許羣山攢聚中聳一峯秀插  
雲表旁舒兩翼若鳳形狀是名飛鳳山竹并蕝鬱林

平溪衛誌書

三十五

木蒼然右腋石壁如削中有石罅瀑泉飛白僧人駕  
木為梁攀緣數十武始登嶺謁真武觀臨水列茅數  
椽衛人讀書其上多蘭芷四時幽香不絕昔有高僧  
飛錫題為畝香園云

文水浮洲南山麓分三水一入中流出北角一繞城  
東郊外合流成文穿入大江涯萬卷巖下深潭千尺  
中浮為洲如圓月者如笏形者如圭者形家謂之印  
浮水面歲當大比其洲特獻科目多寡之數驗之人  
以此為瑞洲焉

萬卷書巖衛東山懸巖百尺石疊萬帙若堆書數十

床橫亘江流側有石徑可登其上平行闊暢上有卷  
書台古松下望瀕水西來一口吸盡登臨其間松聲  
水聲宛若絃管可謂山水清音也

七星疊岫城西南七峯層疊而下若北斗狀對峙學  
宮俯瞰平江晴嵐帶翠雲樹鋪煙沉沉其景空清遙  
碧披玩之餘覺西山爽氣在我襟袖

天馬騰雲南峯逶迤右行疊為天馬山作衛城之護  
勢儼奔馳而上狀若騰雲元時宣慰置砦其嶺今尚  
有鼓樓山石險距江為衛之崎嶇扼要

石蓮漾月江北獨岫山頂上石開七瓣高十餘丈恍

### 平溪衛誌書

三六

若削成俗謂之鼓角梅花明大司馬熊壇石先生名  
為石蓮峯昔有仙人練炁其上有遺器存焉其下深  
潭無際明月在中水光山色滉漾如練雄水之勝概  
矣

南楓秋醉南山有楓數十株大可十圍高十餘丈詢  
所由來宋元間物春風搖曳綠樹生姿白露為霜醜  
顏如醉又若紅雲數朶籠罩山崗不但霜葉紅於二  
月花也

北浦漁歌萬卷巖下江水澄泓北浦飛來迴鎖渚清  
沙白至夕陽西入清風徐來聽漁人撒網之聲笑歌

之聲互相響答文人韻客往往踏月以聽每羨漁家樂也

藝文志

章志頁教藝文亦有裨焉明以前率多固陋後聲教漸多文章不少概見如正德時候中丞抗武宗微行之疏萬曆唐侍御劾李如松之章其中建學有碑譙樓仙跡有記石蓮有賦明謫大司馬熊明遇集諸文人之吟咏有帙丁亥年劫火一炬化為焦土金石散亡文獻無攷僅存得勝樓碑記唐一鵬頌蘄令文一篇豈有功於地方者不滅沒於荒烟蔓草之中而得

平溪衛誌書

三七

以鼓其效法者耶

得勝樓記

陽進士前四川道監察余  
翔撰  
御史蒲成平溪衛鳳陽余  
翔撰  
賜進士福建等處地方承  
宣候  
布政使司右叅政平溪衛  
候  
位書

樓以得勝名志功也功始於前人而表彰於今日又所遇之時也

湖廣憲副清江龔公師顏奉

勅整飭辰沅兵備接郡至平溪登樓四顧慨然有折衝萬里之意城西北隅舊創得勝樓因詰其顛末指揮使洪官進曰此鄭某立功之地也景泰時四方多事

苗獮來聞鶻發相率來攻城鄭集眾堅守外援不至  
賊兵布滿山谷乃悉令男子馮城拒戰婦人則假以  
衣冠張軍勢賊又用棚車為穴城計鄭拾取城中銅  
器為巨礮十餘鎗壯士潛以慘綆繫其車城上對  
設礮具守陴者鼓譟引綆聲發車覆而礮亦發擊殺  
者千人渠苗受創扶傷而遜此樓之所以作也公曰  
小醜犯順自取覆滅宜無足言顧一城生聚賴鄭以  
有今日古人念其人猶思封植其樹今樓故存也使  
其人不登於記載乎明日以語翺曰吾非徒重死者  
亦將以勸生者子宜記之翺故聞鄭事甚詳大率其

平漢衛誌書

三十六

為人沉勇有機變緩急得士死力城初被圍賊中有  
挾左道者乘小舟徑造城下矢石不能及鄭笑曰此  
妖術也吾聞邪不干正彼纒數人耳何能為遂啟門  
直縱之入夾門設伏皆生俘之賊以鞞革遺鄭蓋喻  
其種類之盛鄭悉報以犬革以犬能制鞞也賊以牛  
角狀如車輪者來曰能直此否鄭付兵器局直之而  
併遺以匏之凹柄者曰能如我之直彼乎賊不能答  
凡此小數皆逆奪其氣間得賊謀則引與共食據戒  
宰夫進饋虛竇相形鄭則長歎大嚼駭鞞卒不能下  
咽所擒獲即磔諸城令左右噉之縱謀歸報第欲懾



其心實亦未嘗暇也人徒見其一捷以為偶耳而不知其戰守方略蓋以素定彼時猶未有憲臣惜無能顯明其事迨今八十四祀溪洞晏然父老傳誦不置而樓與其名遂相為悠久信可記也已然則今之人何遽不及古之人哉人才因事始見憲副公一號召之餘而轉移之機固已默運異時必有翹然振拔為世屏翰者則此碑所記又功德之嚆矢矣鄴名恭字伯和後歷官湖廣都指揮僉事今指揮使鄭仁實其曾長孫云

嘉靖七年戊子歲二月既望立石

平漢衛誌書

序九

鄭龍山父母阻礦去思碑記

唐一鵬

碑記去思斬父老為鄭侯作也父老閱事為久論政為確而彙所見聞曾未有如鄭侯之惠民者可無記哉惜乎尊親有諱勢不能命一辭也比于聲首作誌語焉夫斬有貧窘惟侯賑之斬有逋賦惟侯理之斬有疑獄惟侯斷之斬有旱蝗惟侯禱雨以潤之斬有額外之蜀餉惟侯調停以佐之此名為卓異實前史所嘗載者含沙射土投壺飛電九泉暴骨萬室成墟此名為巨劫前史所未聞者侯以丹心正氣撫百萬而衽席之庶幾曰侯實生我即從此而長世獲保髫

聖民耕鑿咏焉而詔出昆明靖撫卹燹侯以臬省  
之重謝等贖為圖史斬乃為失怙之邦如河洛之為  
莽林多巢鷺如睢陽之絕援嬰必析骸此去後之秦  
離可以旦夕計者侯以一身為中原之山斗而以一  
去為漢東之虛戾思何極哉思皇穹之悔禍也有入  
為之輪以問時政則斬之存者什五思楚相之留偃  
也有新尹之告以遺舊政則斬之存者什三思南陽  
之竹還鎮遺秦也則斬之存者什有一二蓋以賈淵  
墜谷之日而思甘露慶雲之庇此碑中意乎昆崗烈  
焰而玉石焚砥柱不存而狂瀾倒人生當此寄命于

平漢衛誌書

甲

仁人之軌轍裴晉公一蒞蔡城而民有生人之樂壺  
觴相慶此鄭侯任斬之景象也郭汾陽方離河朔而  
賊騎縱橫晉瑯琊一渡江淮而衣冠掃地此鄭侯去  
斬之左券也流連去就之間以枯魚而望西江之水  
以精衛而勤填海之思此父老寄思之景象筆楮之  
所不能竟也鮫珠以淚而成萇碧以血而就斬碑以  
思而結記者以眾誹而興讀者可以言外索之乎

募建天生橋疏

鄭逢元

衝治前大江左腋有野鷄河橫流入江不知其源大  
約諸山之水所洩而成也郊曠各堰取給於此上分

小合上由下直分由則勢緩合直則勢狂其合處直  
處在大江之邊乃孔道所必經四時水勢不一有  
急有落盈則需舟落則架木樑以達春夏久雨泛漲  
木樑推去官府差使值水泛梁推之際刻不可停守  
土者令過江之船艤此以渡雨止水退舟不能用濡  
淖難行伐取竹不用架矮橋面以砂石使不為行旅  
憂倏淺倏深倏舟倏橋架而推推而復架不勝煩痺  
矣余臥病山麓田羲生洪祚熙偕僧人崇拙過商以  
此僧修寺有成功而能募建石橋也余曰單襄公陳  
夏令甚悉辰角見而雨畢天根見而水涸除道成梁

平溪衛誌書

里

乃政之大者必請之衛公主其事吾儕小民聽命而  
已但石橋之舉必堅固廓大方能經久恐所費不貲  
也前此亦嘗為之錢糧不充匠役苟簡觀其橋墩基  
淺面狹不砥狂瀾乃與木構者等耳如此非獨木橋  
不可即石橋之久與否亦所難講橋成必有護之者  
其護維何在蓄與洩蓄所以殺水之勢洩所以順水  
之性非另為陂障不能有陂障而殺之順之則前之  
合者直者變急濡為安流自永無嚙圯之虞矣先時  
吾里士夫榮顯百里富庶襄助者眾茲則家無儋石  
比比皆是然事之重大敢遂已乎惟有効浮圖家具

夢縉簿叩之

天上貴人及富商大賈或獨發宏願或共成厥美今疏以懲之將何言哉如借利益福田之說可以勸世俗或未可勸高明如借重義輕財之說可以契曠達之胸不堪入鄙吝之耳無已則質言之滇黔大道非山徑有橋屹然俾絡繹往來不望洋病涉而普濟之功德固無時不沾暨也劉孝標云富埒陶白質巨程羅山擅銅陵家藏金穴據其所述非不極一時之美方之函門豹十二渠蔡端明萬安橋三百六十丈千古利賴孰得而孰失孰亡而孰存蓋不必別為舉似而

平漢衛詒書

四三

歷劫不朽之道理明白易見矣是為疏

時

康熙九年歲次庚戌三月上浣

續修衛志序

癸亥冬余捧檄攝平適採風者以郡乘徵爰集都人士而詢之曰平有乘乎曰有今可考乎曰自喪亂來散軼零落簡斷編殘習可魚帝可虎襲繆承謫難言乘矣噫有有無無之間疑疑信信校讐實難但讀王制則曰命太史陳詩以觀民風讀曲禮則曰入國而問俗今日之事固守土臣之責也是用掇拾舊帙搜

討異聞芳羅軼跡於煨燼墟壁之間彙為二冊自建  
置沿革田賦增損以及星野疆域風俗之淑慝山水  
之靈奇紀載悉訪先民規式至於鄉之名賢官之卓  
行若輿情未慊 憲文未奉者不敢妄有附益麟經  
二百四十二年僅宋伯姬以女貞錄國吳僑札諸君  
子以鄉材見褒豈平之乘可濫收也乎書成告都人  
士曰語云改玉改步我

國家景運一新已煥然改觀矣而今而後我平邑豈無  
有人文蔚起節烈蒸蒸疊見者風霧久晦忽霽而明  
雷霆久蟄忽震而驚聖賢道否忽泰而亨是乘也展  
平漢衛誌書

四十三

而讀之必奮而興

修平漢學宮碑記

唐啟中

蓋聞開道統之先者賴有首出之

聖人而扶教術之衰者實藉繼起之君子惟茲楚衛平  
漢學宮創自有明弘治地雖僻處黔陬而二百餘年  
聲名文物之盛稱為雄甲厥後野狐作祟到處成灰  
廟貌傾頽鞠為豐草辟雍鐘鼓之靈久不可問矣我  
國朝肇統開天崇儒重道他務未興首以建學明倫為  
急惟黔後入版圖而賓興三舉一時人文又復彬彬  
稱盛顧此宮牆就圯即有志鼎新者俱以羽檄交馳

之會秣手歛歔每趨趨而未暇也幸 恩州府司李  
許公以人龍文虎拔起江南儒宗之望遠近仰止康  
熙元年出李思郡而平庠以提調獲兼轄焉下車拜  
奠之餘瞻對悽愴即慨然以興復為己任時值邊署  
荒涼羽檄未息一飯間耿耿不忘於心奮力從事請  
命

擬各憲俱報曰可遂傾清俸合學亦鼓勵仗助蠲鳩  
工庀材爰為相度周遭規恢矩則乃復日董學博生  
徒夙興夜寐備極辛勤以及引繩削墨之事俱公自  
指揮詳審不踰年而工告厥成若堂若廡若門若堦

平漢衛誌書

四四

若啟聖宮若藏經閣若明倫堂暨夫環堵崇墉几案  
窗牖之屬靡不自無而有燦然畢具煥然聿新其以  
安

聖人之靈而廣楚黔兩省教思之澤者真能炳耀千年  
而蒸變多士觀者咸為頌寶枚咏曼碩焉猗歟休哉  
謂非繼起之君子而能若是耶昔韓昌黎建學于潮  
文起八代之衰道濟天下之溺我許公文章治行卓  
絕一時今建學明倫心旌直與昌黎接武俾萬億而  
下都人士之謳思而不替者亦如潮人之思昌黎焉  
歲丙午冬擢守思南龔黃政績正未有艾平之士於

公之來也感建學之功與思民之口碑相和於公之去也誌隆文之愛與思地之蒙蔭並深啟中濫等銜鐫猥側執經受事之日與前教博交代間履地指述目擊其詳敢為弼管他日平士蒸蒸豹變曷敢忘所自與公諱虬號竹隱順治戊戌科進士江南蘇州府之長洲縣人爰臚列其事以壽貞珉云

時

康熙六年歲次丁未黃鐘月上浣立石

題復平清學校碑記

今上二十有八年詔平清學校仍復黔省從大中丞田

平漢衛誌書

聖

公祖之請也公諱雯字綸霞瑯琊人山左世家制科蔚起文章德業炳輝名都其立德立言立功之大足銘彝鼎而光史冊爾戊辰大夏公奉 簡命壽闈全

黔權衡文武節鉞臨平諸生恭迎道左瞻望星昭心儀矩範所謂斗南一人已謁諸行署徐稱平清學校定制歷屬黔省三百餘年從無更變康熙二十三年內驛遞浩繁撥平清供楚之役並學校隨之兩科楚聞抵省數千餘里洞庭險阻若登天然具呈公祖前冀加矜恤公時為首肯曰爾多士其聽之孰知公之蒞黔土也甫下車採訪輿論聿興人文先以造士者

治黔蒞泮誰容環橋觀聽爭自濯磨以親色笑由是  
金筑夜郎之士莫不欽山斗而慕文宗是公之以化  
成天下者化成黔國裁成黔國者裁及平清所以即  
據學臺張公祖諱顧行之詳備言多士遠應楚試險  
阻艱難之狀特疏入告

天子曰可前撫軍兩請中閣公祖以一疏報成德之足  
以孚

宸鑒者如此 諭旨寵頒多士歡祝咸欲掄揚厥美頌  
說無窮因衛學博胡子燦與余有梓里誼郵致其事  
既詳且悉屬余記焉余竊憶黔聞捷後歲癸卯曾經

平漢衛誌書

四十六

平城滿目斷烟荒草以昔之雅尚弦歌者一旦人文  
寥落且又更張楚省洞庭之水如天柯亭之竹絕響  
青青子衿徒懷抑鬱余亦不勝扼腕幸公祖樹人倫  
之雅望迴既倒之狂瀾一言而動人主致令多士式  
歌且舞仁人之言其利溥哉於是知公慮事周而化  
行速也聞其正以持己則吏嚴於條官守其程也而  
吏治德以綏眾民紓苗格四境告寧也而民安興學  
課士黨塾家絃因之蜚英騰譽也而文風丕振寧獨  
平清蒙福哉今公治蹟炳炳麟麟宣昭滇黔楚蜀之  
間未易更僕述也諒



聖天子心存蒼生行膺異數之恩將見公之功在天下而治黔特其緒餘以公之立言立德立功必入而委以保傅夾輔之任喜起賡歌彤管尚未艾歟余復書胡子不能贊其萬一為引詩以志之其立教而化行也德音孔昭君子是則是倣惟公有焉其稱功而頌德也豈弟君子遐不作人多士咏焉諸生其勉旃研精竭慮樹駿流鴻濟濟國禎不負田公祖之請且以徵

今上文治之隆愈廣且洽耳泐之金石以誌不朽云綴以詞曰

平漢衛誌書

中七

靈宣嶽秘金簡玉文挺生英哲齊魯超羣淵源洙泗道德流芬臚傳三錫瑞奏五雲文章燕許事業甫申熙朝威鳳盛世祥麟入司喉舌出典藩疆玉燭調己金甌卜將蒞茲黔土式是南邦謳歌盈路袞衣繡裳惠爾平清思皇秀掄桃李芳郁出自公門恩施百世璧水重新何以報之壽此貞珉

賜進士第巡按直隸督理長蘆鹽課兼河道驛傳轄山東河南開歸彰衛等處監察御史貴陽王承祐撰康熙二十九年歲次庚午林鍾月穀旦立石

詩

兔兒坪產芝

二絕

熊明遜

姪披野草披蘭芝怪得書生喜上眉三秀五雲歌勝  
事却將青圃當銅池

又

芝草由來未有根鬱蒸佳氣彩雲痕曾經九朶甘泉  
殿樂府齋房朝至尊

雲中飛鳳

鄭逢元

飛鳳生成兩翼齊祥雲應作九苞題天連楚水低黃  
鶴地接滇山鬪碧鷄

雲中飛鳳

洪運昌

平溪衛誌書

四十八

九苞遐覽祥雲翥意在躊躇擇所之好藉山靈寄名  
勝不將毛羽鬪離奇瀑聲似吐丹山語梧響如賡謠  
吉詩嶺上數椽文士榻蜚鳴慎勿負當時

文水浮洲

鄭逢元

一洲恰與水平齊消長其門望裏迷任有狂濤推不  
去若非鼉足即鼉機

文水浮洲

洪運昌

碧流雙縮成文水中湧奇觀鎖巨川晡後疑雲復疑  
月望來非霧亦非煙數洲特異占為瑞萬卷爭妍彙  
可編只許放舟相對飲醉翁山水一齊傳

不羨競勝先雄水聚石中浮漾碧滿恍似遺珠歸台  
清却疑完壁貯晶盤文章有用呈奇瑞天地無私壯  
大觀說與里人縫掖輩工夫到後自波瀾

萬卷書巖

鄭逢元

何年萬軸置巖中下有澄潭照影豐龍樹一時讀未  
盡攜來仍墮水晶宮

萬卷書巖

洪運昌

石函萬帙幾人尋苔蘚參差隱志文誰把五車巖上  
積想從二酉穴中分搜奇枉自矜穿鑿誌怪徒勞訪

平溪衛誌書

四十九

異聞太始鴻章應未墜何須藏壁避秦焚

七星疊岫

鄭逢元

星宿從來列上垣戴筐何故掛城邊形家不講天文  
事却比奎婁魯地躔

七星疊岫

洪運昌

層巒星點斗間七奇轟峰多海外三森立巖宮如列  
戟斜鋪溪水半拖嵐竹林賢集山宜品衆緯文成景  
可耽欲贈白雲飛冉冉望中心醉有餘酣

天馬騰雲

鄭逢元

下關雙馬聳雲間勢若追風障百灘不是鬼驄生石

穴自然神駿入天關

天馬騰雲

洪運昌

飛形如駟勢龍巖險峙長江扼據雄敷走瀛海  
逼誰知神駿域中逢志輕千里長嘶自鬣鬣雲備  
御風何事太行垂兩耳龍媒去後尚空

石蓮漾月

鄭達元

怪石如林擬作蓮雲同山嶺月同淵漱溪到此無心  
寶那得花香竊似船

石蓮漾月

洪運昌

攢空石瓣驚天削髣髴如談玉井蓮船列江干十丈

平溪衛誌書

辛

璫月明潭底百花鈿幽姿擬待渡溪賞皓影頻散  
文章水色山光留勝概悠悠異跡至今傳

南楓秋醉

鄭達元

鷄樹蒼根指顧間過時仍復效朱顏南薰拂後秋  
冷一任酣然世外閒

南楓秋醉

洪運昌

靄色疑楓帶醉痕醜顏未醒曉猶昏朦朧恍在桃花  
塢響答如歌絳帳門冷入平江驚葉落酣留秋影向  
雲翻遊人南指祥光繞誰解丹心向日墩

南楓秋醉

田起圖

丹楓秋後景堪嘉  
絢綵如同二月花  
說艷照山春滿  
野白雲橫樹絳凝  
紗翻殘南嶺青  
幽紫補足甯空  
爛燭霞幾度乘時  
招雅會醉餘拾  
葉付詩家

北浦漁歌

鄭逢元

搖漾空明水不流  
滿船絃管雜輕謳  
潯陽亭下青山  
客又在千人石上游

北浦漁歌

洪運昌

北浦涵煙漾夕曛  
往來小艇一灣橫  
但尋鷗鷺溪邊  
適那管風波世上  
情坐石酣酣呼巨  
白放歌曲曲擊  
空明數聲欸乃雲  
山靜一任騷人踏  
月聽



40	40	39	39	39	39	38	38	38	頁
1	1	19	14	13	11	18	7	4	行
19	1	5	8	12	12-14	8	6	8	字
泉	髻	報	執	(原缺)	(原缺)	之	足	槌	原
									作
泉	髻	劫	勢	鄭	唐一鵬	其	取	繼	現
					志 據乾隆 題名				用
									備
									註
41	41	41	40	40	40	40	40	40	頁
2	1	1	14	13	13	13	3	2	行
17	15	10	20	15	9	2	14	13	字
執	執	執	及	(原缺)	度	(原缺)	祈	枯	原
									作
勢	勢	勢	水	掃	渡	騎	折	枯	現
									用
									備
									註

平漢衛誌書

28	26	26	25	24	24	23	23	23	頁
7	15	1	2	15	3	15	7	5	行
4-8	2	12	5	15	3	3	10-11	1	字
平	名	榮	(原缺)	銀	四	領	地方	蠻	原
政									作
府	銘	漿	堂	錢	兵	領	駐防	蠻	現
教									用
授							所據 本地 地理		備
	志	志							註
	據 民國	據 乾隆							
38	38	38	37	35	34	31	30	29	頁
3	2	1	15	4	12	4	15	2	行
5	14	15	16	6	4	5	13	7	字
執	據	監	章	折	生	(原缺)	眉	環	原
									作
勢	拒	堅	彰	析	子	婦	潘	嶽	現
									用
									備
									註

志 據民國

頁  
行  
字  
原  
作  
現  
用  
備  
註

44	44	43	43	42	41	41	41	41	頁
13	3	14	14	15	19	16	14	14	行
1	9	11	8	4	8	15	17	8-12	字
安	原缺	籍	原缺	余	姓	執	匪	攝者	原
								仍與未	作
安	平	籍	袁	余	里	勢	非	攝者	現
								乃與木	用
									備
									註
50	50	49	49	49	49	49	47	47	頁
12	9	17	17	14	10	9	18	12	行
1	5-7	19	4	3	11	13	19	4	字
支	原缺	武	雄	此	同	赤	祐	分	原
									作
文	洪運昌	成	溪	比	枉	志	祐	芬	現
									用
									備
									註

平溪衛誌書

三

頁  
行  
字  
原  
作  
現  
用  
備  
註

51	頁
2	行
6	字
鋒	原
	作
絡	現
	用
	備
	註
	頁
	行
	字
	原
	作
	現
	用
	備
	註

據乾隆志補